

**Menningar- og íþróttasvið Reykjavíkurborgar, kt. 530269-7609, og Sequences myndlistarhátíð,
kt. 550307-0140, gera með sér svofelldan**

SAMSTARFSSAMNING

um fjárstuðning Reykjavíkurborgar við Sequences myndlistarhátíð
á tímabilinu 1. janúar 2023 – 31. desember 2025.

1. gr. Markmið og framlag Reykjavíkurborgar

Meginmarkmið Reykjavíkurborgar með samningi þessum er að styrkja þróun og stöðu myndlistar í Reykjavík og veita almenningi tækifæri til að fá innsýn inn í það sem á sér stað í samtímamyndlist hverju sinni. Sequences er eina myndlistarhátíð höfuðborgarinnar og hefur fest sig í sessi sem metnaðarfullur myndlistartvíæringur sem nýtur trúverðugleika héraendis og erlendis. Hátíðin setur svip á borgarlífið þá daga sem hún stendur yfir og er liður í að efla ímynd Reykjavíkurborgar sem framsækinnar og fjölbreyttrar menningarborgar sem eftirsóknarvert er að búa í og áhugavert að heimsækja.

Á samningstímanum leggur Reykjavíkurborg Sequences til í beinum fjárframlögum kr. 3.000.000.- á ári 2023, 2024 og 2025. Greiðsla framlags skiptist þannig ár hvert:

kr. 1.500.000 þann 1.-3. mars

kr. 1.500.000 þann 1.-3. júní

Framlagið greiðist inn á bankareikning 0101-15-630257.

Framlög Reykjavíkurborgar vegna árána 2024 og 2025 eru með fyrirvara um samþykkt fjárhagsáætlun þeirra ára. Verði gerð umtalsverð breyting til lækkunar á fjárveitingu til samningsins á fjárhagsáætlun taka aðilar upp viðræður um aðlögun samstarfsins að breyttri fjárveitingu.

2. gr. Framlag, markmið og forsaga Sequences

Sequences tekur að sér að halda tvíæringinn Sequences árin 2023 og 2025 en árinu 2024 verður varið í frágang hátíðarinnar 2023 og undirbúning hátíðarinnar 2025. Framkvæmd hátíðarinnar tekur mið af eftirfarandi markmiðum Sequences:

- Að standa fyrir öflugum 10 daga myndlistarviðburði annað hvert ár
- Að vera framsækinn sýningarvettvangur sem veitir almenningi góðan aðgang að samtímamyndlist
- Að Sequences sé alltaf lifandi vettvangur fyrir listasenuna í Reykjavík
- Að hlúa að og efla tengslanet hátíðarinnar, innanlands og erlendis
- Að laða til Reykjavíkur stærri hóp áhrifafólks úr hinum alþjóðlega listheimi
- Að byggja upp samband við stuðningsaðila til að auðvelda fjármögnun
- Að halda áfram að stuðla að gerð nýrra verka og vera vettvangur fyrir myndlistarmenn til að vinna skilyrðislaust að verkum sínum og sýna þau

Sequences er myndlistarhátíð sem spratt úr grasrótinni í Reykjavík og hefur verið haldin annað hvort ár frá 2006. Frá upphafi hefur verið lagt upp með að Sequences sé í höndum myndlistarmanna og listamannarekinna stofnana og að þar ríki andi frumkvæðis, tilrauna og áræðni. Allir helstu

sýningarstaðir og menningarstofnanir í Reykjavík hafa starfað með hátíðinni á einn eða annan hátt. Sequences er eina myndlistarhátíðin í Reykjavík og hefur getið sér gott orð sem einbeitt hátíð sem veitir almenningi mikilvægan aðgang að samtímalist. Búið er að byggja traustan og faglegan grunn sem Sequences stendur nú á og hátíðin hefur fest sig í sessi sem metnaðarfullur myndlistartvíæringur.

Sequences er eins konar flæðandi strúktúr sem fylgir takti senunnar hverju sinni, þenst út, hreyfist og dregst saman eftir þörfum. Í forgrunni er sýningarstýrð myndlistarhátíð, þar sem opnaðar eru sýningar á mörgum stöðum samhliða og haldið er úti dagskrá eftir því sem við á hverju sinni. Í upphafi var miðað við að Sequences stæði yfir í 10 daga og raunin er að opnanir, viðburðir og margvísleg dagskrá rúmast á þessum 10 dögum, en lykilsýningar eru opnar í allt að 6 vikur.

Árið 2013 var gerð áherslubreyting og ákveðið að lagt yrði upp úr að flytja þekkingu og tengsl á milli hátíða, en hún hafði áður verið byggð algerlega frá grunni hverju sinni. Þessi þróun hefur verið mikil gæfa og myndað samfellu á milli hátíða þó hver hátíð hafi sín sérkenni.

3. gr. Ábyrgð

Sequences ber ábyrgð á starfsemi hátíðarinnar, fagmennsku hennar og gæðum. Sequences ber ábyrgð á skuldbindingum sem hátíðin eða aðilar á hennar vegum stofna til í tengslum við þennan samning. Sequences er óheimilt að framselja greiðslur skv. samningi þessum til þriðja aðila og setja hann með öðrum hætti til tryggingar fjárskuldbindingu.

4. gr. Kynningarmál

Sequences ber ábyrgð á markaðssetningu hátíðarinnar. Á öllu kynningarefni Sequences jafnt innanlands sem utan skal koma fram á áberandi hátt að Sequences sé styrkt af Reykjavíkurborg með því að geta Reykjavíkurborgar sem bakhjarls og með því að hafa lógó Reykjavíkurborgar sýnilegt. Þá skal þess gætt að geta Reykjavíkurborgar sem bakhjarls og samstarfsaðila í ræðu og riti þegar Sequences er kynnt í fjölmiðlum – þar sem því verður komið við og þykir eðlilegt.

Hafa má samstarf við Reykjavíkurborg til að kynna og markaðssetja viðburði sem ætla má að höfði til íbúa og erlendra gesta. Reykjavíkurborg fær myndir af viðburðum ef óskað er eftir og/eða má senda ljósmyndara til að afla markaðsefnis fyrir almennt markaðsstarf fyrir Reykjavík.

Skrifstofa menningarmála á menningar- og íþróttasviði Reykjavíkurborgar er tengiliður samningsins við Sequences. Samráðsfundir aðila samningsins skulu haldnir í maí eða júní ár hvert 2023, 2024 og 2025, þar sem farið verður yfir framkvæmd samningsins. Sequences leggur þá fram endurskoðuð uppgjör eða áritaðan ársreikning og skýrslu vegna fyrra árs ásamt áformum um hvernig starfsemi þessa og næsta árs muni uppfylla markmið samningsins. Menningarborgin boðar til fundanna.

5. gr. Vanefndir og meðferð ágreinings

Telji Sequences hættu á að geta ekki uppfyllt samningsbundnar skyldur sínar skal tengilið Reykjavíkurborgar á menningar- og íþróttasviði tilkynnt um það skriflega án tafar. Ef ekki tekst að endurskoða verkefnaáætlun þannig að markmiðum samningsins verði náð er heimilt að fella niður greiðslur þar til Sequences hefur sýnt fram á að það muni standa við samningsbundnar skyldur sínar

samkvæmt ákvæðum samningsins, en að öðrum kosti rifta samningnum.

6. gr. Gildistími

Samningur þessi er gerður í samræmi við samþykkt menningar-, íþróttá og tómstundaráðs þ. 28. nóvember 2022 um styrkveitingar ráðsins fyrir árið 2023. Samningurinn gildir til 31. des. 2025. Samningurinn er gerður í tveimur samhljóða eintökum og heldur hvor samningsaðili sínu eintaki.

7. gr. Breytingar á samstarfssamningnum

Samningur þessi er lýsing á samningssambandi aðila, réttindum þeirra og skyldum og gengur framar fyrri skuldbindingum, munnlegum og skriflegum eða öðrum samskiptum. Viðbætur við samning skulu vera skriflegar og undirritaðar af samningsaðilum.

8. gr. Staðfesting og meðferð ágreiningsmála

Samningurinn er gerður með fyrirvara um samþykkt borgarráðs og samþykkt fjárhagsáætlunar Reykjavíkurborgar vegna ára 2024 og 2025. Rísi mál út af samningi þessum skal það rekið fyrir Héraðsdómi Reykjavíkur.

Samningur þessi er staðfestur með rafrænni undirritun fulltrúa beggja aðila samningsins.

f.h. Reykjavíkurborgar,

María Rut Reynisdóttir

f.h. Sequences,

Þórhildur Tinna Sigurðardóttir